

寧越辛氏舊譜序

昔者蘇明允作族譜序有曰觀吾譜者孝悌之心可以油然而生余於是言泛然看之而以爲未必然矣及經始此役也取吾寧辛全譜累累遍覽則自鼻祖一人分爲各派孫裔不啻萬億雖若杳邈難究而及其尋流而到源緣根而知枝則祖宗儼然若在座子孫層層爲列侍雖千載宛如隔晨感慕敬惕之心不覺由中而生然而人之常情於其近則親之遠則疎之彌遠則愈疎愈疎則忘之蓋以一己爲親疎不以先祖爲親疎也視兄之子雖或不若己之子而自吾父視之則兄之子與吾之子果有異乎哉推而上之大父之孫爲從父兄弟曾大父之曾孫爲從祖兄弟次々推上至於服盡嗚呼一人之身分而及其後屬之遠或於慶吊而不相聞問者有之或以門閥而自相高下者有之良可慨也以我家言之分貫以後想必有譜而淪於壬癸逸於丙亂後世無傳粵在 純宗乙丑始刊完譜行于世殆近五十年矣繼而輯之此其時也而事山力蚊故竟未大同只以江陵之一派剗刪數卷姑記配墓生卒以待後日之合譜而至若世德之清白相守家聲之孝友相傳才華文章之磊落相望載於史乘著於舊序不必復贅禮曰尊祖敦宗敦宗故收族只書其尊祖敦宗收

族之意有所勸勉周禮小宗伯掌三族之別以辨親疎又以八刑糾萬民三曰不睦之刑親疎之等殺無奈於世代之寢遠遠而不疎疎而益睦其在於人乎凡我同譜之人講氏族之源勉敦睦之誼不以我之心爲心以先祖之心爲心則雖百世無異一身之親也孝悌之心油然而生者豈偶然也哉然則譜牒之修非徒錄名而已其有補於人道者倘復如何僉宗勉乎哉

崇禎紀元後四辛亥季春後孫 渥謹序

新譜序

譜爲一家之私而若收宗族厚風俗正名分明昭穆則其所以關重世教者亦可謂之公且大焉噫人之生久矣肇自炎姜軒姬以降姓焉而有氏氏焉而有族凡林林忽忽者如木一而千其枝水一而萬其派易致遠者疎疎者忘故放勳之親九宗伯之掌三何莫非睦族辨族之本義而但世愈久人愈多將無以卞其孔湯劉堯之所自出而其流駸々焉轉入於熊郭之冒稱寧不慨然此譜法之所由起而叔程子垂管攝之訓老蘇氏興油孝之心則今日之舉烏可已乎竊惟我辛系姒而封莘去草而爲辛仕華而居隴西奉使而歸海東者事屬荒邈有若杞宋之文獻而一自寧靈

分貫之後凡譜吾族者非止一再重出於前輩氏繼述之盛意然有或議歧而不信有或派各而獨修不能無後承之憾而今且閱幾十周星霜矣中間之雲仍蕃蔓不免有子書而孫不書我諸宗爲是之懼門議峻發謀所以續修大同而散在各省落落難合故只收寧平評事博士吏判司宰卿公五派中單來者粹成一局追已往之靡遑俟將來於無窮則擬以同祖均孫之義似是欠典然現今大亂將興保守先系非一人一家之所可必而彼此互藏如古壁之文名山之史則豈非幸歟此所以全譜派譜大小分合有不暇論而汲々焉者也若夫根深而條暢源清而流潔氏籍之沿革世德之奕焉科宦珪組之蟬聯不絕名碩文章之磊落相望者攷諸往牒而瞭然觀於前述而備矣復何容贅及但願同譜諸氏互相勉旃聿脩厥德日月征邁無忝所生則繫惟我先祖在天之靈必肯曰予有後矣豈不美哉譜旣成以不佞一日長乎宗俾屬以弁卷之文因不揆猥越略叙顛末如右云

昭和十年乙亥五月

日

後孫容默

謹序

寧越辛氏世譜卷之一

始祖

辛鏡

一本諱河鏡字失傳
號巖谷高麗仁宗戊
午登第官金紫光錄
大夫太傅門下侍中
平章事諡貞懿或云
廷議非是○墓開城
府西花潭里
配失傳○或云葬恭
愍時求山不得還憩
開城山亭上有名墓
問是辛氏墓赫世冠
冕八世文衡云遂陵
夷其墓爲國葬初辛
氏卜此山時術僧言
此名墓山端若起亭
則必有害至是果驗

二世

子雲敏

字 官寶文閣大
提學修文殿學士左
贊成墓溫川一云溫
州
配失傳

三世

子永繼

字 官修文殿大
提學
墓配失傳

四世

子夢森

字 官太師封靈元府院
君墓慶州杞溪里禾
溪洞五里梓木谷子
坐中書省
配貞夫人文州柳氏
祔有神道碑

五世

子覺啓

按靈山譜則作繼

子千繼

子懸繼

子周繼

正衙上將軍
按靈山譜則西元伯
之弟分明無疑故今
茲改正